

Dissertatio Inauguralis Medica.

De

PODAGRA,

Quam

DIVINO FAVENTE NUMINE

*Autoritate & Jussu*

Gratiosissimæ Facultatis Medicæ

IN ANTIQUA EBERHARDINA

Præside,

VIRO NOBILISSIMO, EXCELLENTISSIMO

& EXPERIENTISSIMO

DN. GEORG. BALTHASARE

METZGERO,

Med. Doct. Prax. Anat. & Botanic. Prof. Publ.

h. r. DECANO spectatissimo,

Patrono, atque Promotore suo, omni honoris & observantiæ  
cultu ætatem prosequendo

P R O

LICENTIA.

Summos in Arte Medica Honores, & Privilegia

Doctoralia legitimè consequendi,

*publico Examine submitte*

GEORG-FRIDERICUS Raupendorff/Nimec. Siles.

*Ad diem 14. Martij, Anni M DC LXXXIV.*

horis locisque consuetis.

---

T U B I N G Æ,

EX OFFICINA REISIANA.

# THE NEW YORK PUBLIC LIBRARY

ASTOR LENOX TILDEN FOUNDATION  
455 FIFTH AVENUE  
NEW YORK, N. Y. 10018

Acquired from the  
Library of the  
City of New York  
1901

Gift of  
The City of New York  
1901

Gift of  
The City of New York  
1901





## I. N. J.

S. 1. **S**uperba corporis humani machina, Divinæ illius particulæ auræ hospitium, non solum, ut in justam excreascet molem, opus habet nutrimento, sed etiam, ut in debitâ proportionem permaneat, novô quotidie succo indiget alibili. Ille verò quemadmodum ex variis atque diversis constat particulis, imprimis oleosa, pingui & glutinosa Chyli parte, ita pro commodiori partium accessione, fluido quodam innatat vehiculo, sanguinis scilicet exiguâ rubicundâ portione, & uberiori feri abundantia, uti hoc *Excell. Dn. D. Bobnius in Actis Eruditorum Lipsiens. Anni 1682. p. 126.* ope microscopii & singulari quodam experimento demonstravit. Hôc modô ope Circulationis sanguinis, ad partes nutriendas delatus, à conglobatis glandulis miliaribus nutritiis, à *Borrichio* inventis & instar noduli ex arteriarum venarum atque nervorum capillamentis diversimodè connexis, ope spirituum animalium influentium, qui volatilis naturæ cum Mæ Sæ blando quodam acido sese conjungentes, sanguinem aliquantulum incrassant, ut facilius ab invicem secedant partes, & sic pro pororum & fibrarum proportionem, illa glutinosa, oleosa & pinguis substantia adhæret, serum autem tenue adhæsiioni ineptum à vasis lymphaticis, à glandulis ortum ducentibus, excipitur, quod postmodum nomine mutato lymphæ dicitur. Hæc lymphæ à partibus in ductulis illis crystallinis variè movetur per musculorum interstitia, ut semper minor Microcosmi, & siccitas corrigatur, humidumque radicale conservetur, usque dum iterum ad ductum thoracicum pro ulteriori chyli dilutione pervenit. Quando autem statum p. n. induit, & substantiâ, quantitate, qualitate, loco aut motu peccat, variorum morborum existit causa. Quis enim nescit lympham crassam producere obstructions & cacochymias, extravasatam varios tumores & intumescencias, asthma & tussim &c. tenuem inundationes partium, omnisque generis catarrhos, acidiores, sive acido-austeram potius, nervosi generis vellicationes, epilepsiam,



inflammationes spurias, dysenterias, scorbutum, arthritidem &c. gignere; quod tanto felicius efficiet, si tanquam proprium salium vehiculum, falsior redditur, & vel ab acido pancreatis, vel alio quodam peregrino, mediantibus particulis terrestribus certo in loco figitur. De quorum associatione, ubi de Causis agendum, pluribus fiet demonstratio. Hic saltem dico, quod illa concretioni tartareæ fæculentæ, tussi rejectæ, & à Dn. D. Loffio observatæ, ansam dederit; ut taceam coagulationum tartarearum in felleâ vesiculâ à Dn. D. Præsidi, meque ipso, non semel notatarum. in corde apud Phil. Jacob. Sachs à Lewenheimb. in Ocean. Macro-Microcosm. p. 35. §. 37. in renibus, testiculis &c. ab aliis descriptarum. Imo & exteriora membra hac coinquinari testantur arthritis, chiragra, & gonagra, imprimis famosissima Podagra, quæ hinc per excellentiam *Morbus tartareus* quibusdam audit, quem affectum, Divinò favente Numine, paucissimis paulò accuratius examinabimus.

§. 2. Non opus est prolixioribus in explicanda vocis *Ety-mologia* & *Synonymia* ambagibus uti, sufficit nobis nosse vocabulum hoc apud Græcos dicere τὰν ποδῶν ἀγρεν, pedum capturam; nec inconvenienter; adeò enim ægroti pedibus suis capti sunt, & lecto quasi affixi, ut nec attingere eos, ne dum movere audeant. Quibusdam *Recentioribus* qui malum Latinò potius sermone describere amant, *Gutta* appellatur, quod causa quasi guttatim in articulos & pedes destillet ruatque. Aliis, imprimis *Paracelsistis* & *Chymicis*, à sale coagulato sive tartaro in tophos concreto, *morbus tartareus, nodosus*, dicitur. Jocosè nonnulli *Morbum Dominorum*, die Herzen-Krankheit vocant, quasi solum Regum atque Divitum subintraret palatia, secundùm *Æsopi* fabulas, sperneretque Rusticorum pauperum tabernas. Dicitur etiam *Veneri Bacchoque emancipatorum lues*. Communiter in vernacula nostra, das Zipperlein an Füßen/ salutatur; unde nec podagram dentium cum *Strobelbergero*, nec lateris dolorem podagricum cum *Capivaccio*, sed propriè dictam, eamque, quæ in pedibus tyrannidem suam exercet, podagram eum *Hippocrate* & *Galeno* 6. aph. 28. nostram nunc facimus.

§. 3. Describimus *Dolorem partium nervosarum ac tendinosarum in pedibus pungitivum* & fixum, cum tumore ut plurimum, & motus



Et motus impotentia, nonnunquam febrili calore ab humore acido  
 atque salino continuum solvente, Et periodicè affligente exor-  
 tum. Generis loco dolorem posuimus, hocque ipso Symptoma sen-  
 sationis in tactu depravatæ, innuimus. Est enim dolor tristis &  
 molesta quædam sensatio, orta à materia sensus tactus organa  
 irritante, quæ tanquam corpus heterogeneum poris se insinuat  
 disproportionatum, crasin ordinariam turbat, doloremque exci-  
 tat. Interiora æquè viscera ac exteriora membra suos habent  
 poros, unde totum corpus perspirabile ab Hippocrate dicitur, do-  
 loribusque ita exposita sunt. Quemadmodum autem illa non u-  
 nâ eademque gaudent structurâ atque configuratione, ita etiam  
 ratione conformationis varii percipiuntur dolores; quæ enim com-  
 ponuntur ex partibus adeò juxta sese quiescentibus, ut earum ne-  
 xus non nisi violentiâ quâdam dissolvatur, uti membranæ atque  
 tendines, intensiores persentiunt dolores; aliæ, quibus rarior at-  
 que permeabilis concessa est figura, minores: hinc in pleuritide  
 dolor percipitur pungitivus, in peripnevmonia sub spongioso pul-  
 monum viscere gravativus, torpidus verò sive obtusus in contusio-  
 nibus & iis affectibus, qui fiunt in partibus carnosiss. Diversitas  
 etiam dependet ab humoribus in partes influentibus, qui simpli-  
 ces non sunt, juxta illud Hippocratis nostri effatum: non siccum,  
 neque humidum, neque calidum, neque frigidum, neque aliud  
 quid ex his hominem magnoperè lædit, sed econtra inest in ho-  
 mine & lædit & amarum, & salsum, & dulce, & acidum, &  
 acerbum, & alia infinita omnigenas facultates habentia; hæc ut  
 notoriè tantum non infinitos suos producant sapes, quidni &  
 dolores? Qui accuratè hanc materiam tractasse videntur, quindecim,  
 imò octodecim nonnulli dolorum differentias proponunt,  
 quorum illi octo desumunt à parte affecta, quinque à causis, duas  
 à motu, quorum explicatores vid. Valent. Andr. Möllenbrocc.  
 tr. de varis sive arthritid. vaga c. 2. p. 8. prax. Joel. L. X. Sect. V.  
 p. 568. Helmont. tr. de lithiasi variis in locis. Nos, si particularum  
 ad partes influentium figuras, modò pyramidales, modò cubicas,  
 quadratas, sphæricas, & sexcentas alias, exactius examinaremus,  
 forsan plurimorum apponere possemus differentias; sed entia  
 præter necessitatem non sunt multiplicanda. Pungitivum accu-  
 samus, tanquam tendinosarum & membranarum partium pro-  
 prium,



prium, & quia immobilis, secundum differentiam à motu, *fixum*. Tumor ut plurimum adest, non tamen semper, nec omni tempore, imò ferè nunquam statim in principio, à rheumate *οὐρίαισι* in debilitatis pedibus collecto, ortus, quem *motus impotentia* sequitur; Calor febrilis sanguinis ebullitionem, quâ natura humoris tartarei separationem facit, monstat: *periodicè* affligit, cum verno plerumque & autumnali sole revertente circa æquinoctia, nonnunquam etiam solstitia, paroxysmò. De causa infra.

§. 4. *Subjectum* adæquatum sunt pedis inferioris partes, tum quoad tarsum, tum metatarsum & digitos, ejusque articulationes, sive quædam saltem sive omnes pro ratione doloris. *Principale*, partes nervosæ atque tendinosæ, quatenus hæ exquisitori sensu sunt præditæ; si dolores acerbissimi pedem excruciant, nervoso-sensibile periostium quoque non immune judico. Utrum ossa in interioribus sentiant, hîc posset disquiri; negat *Aristoteles* & cum illo multi. Aliquem ipsis sensum *Galenum* indulgisse ex 3. *de usu partium* c. 12. alii colligunt, sed hanc controversiam propter prolixitatis fugam nostram non facimus. Si tamen aliquid divinare liceat, non omninò omnis sensus expertia dicenda videntur, quoniam sub oculatâ hodiernâ Anatome intra ossium substantiam, detectæ jam sunt glandulæ miliares, præsertim in porosis ossium interstitiis, quæ oculis usurpari possunt diffractis ossibus, melius autem coctis & à glutine liberatis; illæ verò æquè ac aliæ suis venis arteriis ac nervis gaudent pro affluxu & refluxu sanguinis & spirituum animalium: ab harum læsione forsan dolorem *ἰσχυρὸν* derivare, nec non verum 7. *aphor.* 24. sensum eruere possumus; *ab ossis præcisione delirium, si in vacuum usque penetraverit*. Principaliter tamen, ut innuimus, afficiuntur hîc nervosæ & membranosæ partes, id quod evincit dolor pungitivus & distensivus.

§. 5. *Causa* ut omnium dolorum, ita & podagrici cruciatus, *proxima est continui vel unitatis solutio*, à materia influente, & particulis suis oblongis parum flexibilibus densiorem nervosarum & membranosarum partium nexum violenter distendente, inducta, usque dum vel discutiatur, vel resolvatur, vel cum mucilaginoso ossium liquore in tophos abeat.

§. 6. Quæ, qualis verò hæc materia sit, inter res explicatu diffi.



difficillimas est. *Aretæus* de hac exactè indaganda desperare videtur, veram scribens causam soli Dii norunt, probabilem verò & apparentem homines. Hinc *Ambrosius Paræus*, pestis, luis venereæ, similibusque affectuum occultis causis accenset. Ut taceam, qui nudam intemperiem sine materia, ut vocant, sine omni verisimilitudine adducunt, sunt qui omnes humores vulgò receptos incusant, indeque sanguineam aliam, aliam pituitosam, melancholicam, biliosam nonnulli podagram nominant. cum *Lud. Mercato*, *Spigelio de arthrit.* *Foresto in observat.* *Fernelius* in solo humore pituitoso acquiescit. *Mercurialis* miscelam hujus cum bilioso aliisque cum *Hippocrate* & *Galeno* surrogat. Sed nullus recensitorum humorum de se & purus locum hîc sufficienter tueri potest. Nos humorem acidum & salsum diximus hîc operosum. Serosum, sed qui non purâ putâ aquâ absolvitur, sed salsum acrem & tartareum *Sennertus* vocat, nec malè; lympham his scoriis coinquinatam, §. 1. nominavimus. Ut aquam ab aliarum rerum admixtione puram aut simplicem vix imò ne vix quidem invenies, ita & lympham corporis nostri ab heterogeneis particulis, terrestribus, tartareis, & similibus nunquam solves. Ostendit has ejus Anatome, indicant podagricorum articulorum tophi, qui nihil aliud sunt, quam salinæ talis & tartareæ materiæ coagulum, testantur dolores, qui pro diversitate salium in articulis collectorum, jam majores jam minores oriuntur, ex *Quercetano de arthritide. B. Ettmüllerus* lympham hanc adeò salsum deprehendit in pedibus quorundam, ut limaturam orichalci calceis impositam, per insensilem transpirationem & sensibilem pedum sudationem in viridem crocum redegerit. *med. Hipp. chym. cap. 2. §. 2. Willis. de arthrit.* succos fermentativos non facilè miscibiles dicit, quos post salia vocat diversi generis, sub quorum commistione effervescencia nascitur insignis, sensiles maximè pedum partes vellicantia cum exquisitissimo cruciatu; præcipitatione post insequente, progenies tophorum fit. In specie verò sal alcalisatum, sed ut semen foemininum per se infœcundum prorsus (ut ovum subventaneum) & nerveum liquorem, ceu masculinum illud prolificum reddens, nominat. Sed non entis nulla accidentia, nulla proliſcatio. *Sylvius in Prax. med* à succo pancreatico acido cum bile alcalina conjuncto, causam petit, sub



sub quorum combinatione effervescentia oritur, dolor & alia sequuntur. De qua sententia *Job. Jacobus Harterus vid. de arthrit. ejusque causis.*

§. 7. Hæc salia podagrica, ut *Kotsak* vocat *tr. de sal.* corpus vario subintrant modo, variâ in pedibus occasione colliguntur. Ex *naturalibus* juvant collectionem naturalis pedum, si adest, imbecillitas & laxitas, quæ facilem materiæ affluxum concedit & hospitium, secundum *Galen. Comment. in 6. aph. 28.* Multum etiam hæreditariæ dispositioni debetur, quæ cum semine Parentum in foetum traducitur, quod, præter communem experientiam, historiis pariter & rationibus *Disputatio Inaugural. de Morbis hæreditar.* sub præsid. Excell. Dn. Præsidis habita abundè satis munivit; Cui addatur, si placet, de modo paulò quidem obscurius, tamen prolixè differens *Helmont. tract. volupe vivent. morb. antiquitùs put.* Temperamentum acido salinas redolens qualitates, habitus corporis densus, sexus masculinus *6. aph. 29.* præ foemino, ætas senilis *3. aph. 31.* præ aliis disposita sunt ad malum hoc ovum excludendum.

§. 8. Ex non-naturalibus infert seminia hæc itidem modò, & via diversis *Aer*, qui ut nullibi necessitatibus nostris purus succurrit, ita nec corpus nostrum purus planè, & omni ex parte beatus ingreditur: præ aliis verò variæ salium peccantium particulæ subtilissimæ, multorum in corpore morborum causæ, crasso licet sensuum testimonio non obviæ cum hoc circumvagantur, & vere potissimum particulis fermentescibilibus è poris terræ reclusis imbibitis, & autumnali tempore acidis aliis, quibus dormientem in corpore hostem excitare, poros constringere, insensili transpirationi obices ponere, lympham inficere, possunt, & sic in frequentiore mali hujus proventum ex *3. aphor. 20.* & *6. aph. 55.* conspirant. Cum *Cibis* simili imprægnatis contagiò, carnibus sale maceratis, fumò induratis, brassicâ muria conditâ, facilis in corpus miasmatum via est, quæ nisi in primis viis decenter corrigantur, præcipitentur in renibus, ut cum urina exeant, nec in liene disponantur, ut sequestrentur, aut hepatis sub officio scorix tales secernantur, relictæ crudiores partes, & salia ferocia ad partes debiles de facili ruunt. Corpus quoque disponunt, quæ feculentum nutrimentum suppeditant, carnes anserinæ & piscium palu-



paludinoſa incolentium loca, haleces, aſellus, item caſeus. De galli-  
nis *Sebizius de aliment. facultat.* de caponibus *Sennertus* videantur  
de *arthrit.* Cyprinorum eſu quidam provocare podagram potuit,  
quoties voluit apud *Schenck. Obſerv. medic. l. 5. de artbr. p. 751.*  
Cum potu aſſumitur fomes, ſi ſtagnans aqua, maritima, paludino-  
ſa ingurgitetur; Si cereviſia non benè defecata ex aquis impuris aut  
minerali imprægnatâ qualitate coctâ, acida, quotidiana eſt. Vina  
multò tartarò feculentò grvida epidemiam apud *Marcômannos &*  
*Auſtriacos* podagram excitare *Gr. Horſt.* teſtis eſt *append. l. 1. Ob-*  
*ſerv. med. p. 2. ſ. 1. §. 5.* potentia alia *comment. 6. aph. 27.* præſer-  
tim jejunò ventre, à balneo aut venere, bibita operoſa ſunt. De au-  
ſteris nihil dicam, quæ cum acetariis omnis generis exulare debent.  
*Motus* nimius, nimiaque *quies*, utrumque malum: Cruditates enim  
& vitioſos humores cumulant. Evacuationes & excretiones con-  
ſuetæ intermiſſæ, menſtruorum in ſequiori ſexu *6. aph. 29.* Venæ  
ſectiões apud *Gabelkover. Curat. c. 4.* cauſæ ſunt. *Sudores* fami-  
liares, ut tempeſtivè in uſum vocati, præſervant & curant apud *Gr.*  
*Horſt. l. 3. obſ. med. p. 2. obſ. 4.* ita ſuppreſſi affectum generant;  
idein de *Urina* judicandum. *Venus* crebra cum Baccho præſertim  
nupta peſſimè audit; abſumtis enim ſpiritibus *Mm. Seam* acereſcere  
facit, ad modum vini generoſi longiori fermentatione ſpiritibus ab-  
ſumptis & ſalibus exaltatis acereſcentis. *Vigilia* ſimili modò abſumen-  
do ſpiritus, lympham acidam relinquunt. *Animi Affectus* quid va-  
leant, quotidiana loquitur experientia, iram præſertim tantum non  
omnes accuſant podagrici humoris ad pedes aurigam. Sed ne quid  
nimis! Iram emolumentum attuliſſe podagricis *Th. Bartholin. c. 6.*  
*Hiſtor. Anat. 28.* teſtatur; nimio ex gaudio expeditum arthritico  
motum reſtitutum *Hildanus c. 1. obſ. chir. 79.* aſſerit: item à timore  
& inopinatâ mentis conſternatione contigiffe. *Cent. 1. Epift. 47.*  
*ſequ.* ſubſcribit, juxtaque de ratione diſſerit.

§. 9. Ex *p. n.* viſcerum primæ coctionis dyſcraſia, erroresque in  
cibis ſumendis & coquendis varii commiſſi, efficaciffimi ſunt ut ma-  
lum ſuſcitetur; prodromique ut plurimum ſunt, vomitus, dolores  
ventriculi, inteſtinorum tormina, appetitus proſtratus, & horum  
ſimilia. Plethora, cacoehymia ſuam etiam operam ſpondent. Suc-  
cus pancreaticus multum confert, acrimoniâ nimia bilem obtundens,  
ut chylum ſale ſuo non ritè incidat, ſed viſcidiorẽ ad partes trans-  
mittat. Quomodo à lienis vitio produci queat malum, vid. apud



*Diemerbræc. in Anat. lib. 1. p. 139.* Quartana febris, passio hypochondriaca, colica, nephritis, hujusque furfuris alia μεταστροφῆς materiæ, in hanc degenerant; experimenta si desideras, vid. ap. *Schenckium l. c.* Ascititia pedum & fibrarum p. n. debilitas, ob varias πρὸς φάσιν frigus externum, plagas, contusiones, luxationes, ortam, & hospitium parant. Animatam causam, vermiculos, in pedibus nidulantes, crudelissimorum dolorum horum Autores nonnulli cum *Athanasio Kirchero de peste* suspectam habent; A flatibus oriundam gonagram *Z. Lusitanus* describit, qui aperto genu egressi sunt. Cujus etiam causæ meminit *Hermann. Buschoff de podagra.*

§ 10. An contagium quoque metuendum sit in controversiam venit. *Hæser. Hercul. med. l. 4. c. 1.* dubitat; *Sennertus de arthrid.* concedit. Qui idearum in fermentis suis multiplicationem admittit, illi affirmatu non erit difficile; siquidem idæ humores plerumque sigillant, & postmodum, sive per insensilem transpirationem, sive etiam per diaphoresin extra corpus eliminantur, nunquam sine vitiosa idea discedunt. Facile proinde fieri potest, ut pelliceis illis podagricorum ocreis & vestimentis ad tempus adhæreant, & quando ab aliis induuntur, per poros corpus subintrant, ubi postmodum explicatæ & evolutæ similem morbum producant, imprimis si inveniunt corpus cacochymicum, vel alio modo morbosè dispositum. Notavit *Helmont. tr. de magnet. vulner. curat. §. 3.* Matronam nobilem, quæ à recurrentibus podagricis paroxysmis crebris fuit vexata, nesciens unde inauspicata morbi recidiva, tandem quoties remissio accessus fervore è cubili jam surgens, sederet sede, quâ frater ejus olim, & in alia urbe podagricus sedere solitus erat, ex templo morbum repullulare experta fuit. *Borellus* idem exemplò catuli, podagrigo adcumbentis & affecti, corroborat, quibus rationibus & experientiis convicti assentimus.

§ 11. Imus ad *Differentias*: Cum erysipelate facile confundi, imò studio, quibus podagræ nomen odiosum est, erysipelatis sæpè larvâ occultari solet; sed distinctu adeò difficiles affectus non sunt, utut primâ fronte, præsertim febris nonnunquam comitantis intuitu, convenire videantur. Erysipelas circa musculosas & exteriores pedis partes magis hæret, cum dolore mitiore tumoreque ferè nullo, cum rubore à sulphure sanguinis ferociente orto: podagra interiores ossis & articulorum partes adoritur vehementiori dolore, ut plurimum cum tumore, salibus magis in lymphâ peccantibus, affligit.



Cæterum alia vehementior, mitior alia est, pro salium peccantium diversitate; alia hæreditaria, alia quibuscunque aliis ex causis contracta, alia à tartaro crasso, subtiliori alia, unde jam inflammationem, jam tophos, aut nihil horum conjunctum habet: alia vera à lymphâ corrupta, alia spuria à vermibus, flatibus &c. nata.

§. 12. Sed de fonte, unde scaturit materia hæc, de viis, per quas in pedes ducitur, quæstio restat: Sanguinem, omnis boni & mali oceanum, hanc quasi evomere & pedibus per regiam viam, arteriam magnam, transmittere, nullum apud nos dubium est, unde instante & jam urgente paroxysmò, effervescentiam in tota M. S. fieri, vasa tumere, nemo non notat, monstratque in specie *Rolsincius* arteriolam peccantes humores ad monticulum pollicis lateralem, qui omnium primus dolore infestari solet, deferentem, poplitæum ramum cruralis, podagricum inde dictum, *disquis. anat. l. 6. c. 61*. Ex hoc fonte arteriis *δαδύχοις*, transmitti necesse habet materia, undecunque veniat, à quibuscunque partibus mittatur, nec, viis his obviis, ad illud *Hippocratis* confugiendum: *σιμπνοα καὶ σύρροα πάντα*; nec venosa aut lymphatica vasa hoc in officium contra naturæ intentionem sollicitanda, aut subcutaneæ *Fernelii* viæ, aut *Plateri* intra & extra calvariam quæsitæ, sed rationi & experientæ non consentaneæ, eligendæ: multò minus nervi, secundum *Anglos*, in subsidium vocandi, cum de humore per hos eunte, maxima sub iudice lis sit, paucisque hætenus, imò fortè nullis, extra Angliam, adeò felicibus esse licuerit, ut hunc vel colligere vel videre saltem potuerint. *Th. Barthol. spicil. 2. de vas. lymph. Græsiô de succo pancreat. ad stipulantibus*.

§. 13. Signa præsentis mali, unde facilius cognoscitur, quàm extirpatur, inveteratum præsertim, ex supra adductis symptomatibus patent, nec causæ adeò difficulter inveniuntur. Plethoram cum cacochoymia humorum produnt indicia; hæreditarium an ascititium sit, ægrum latere vix potest; pariter erroris ipse circa res non-nat. commissi, sibi conscius est, ut & symptomatum prægressorum. Quæ de humoribus peccantibus quatuor alii signa venantur, non adeò sollicitè inquirimus, cum in puros hos culpa conjici non possit, neque secundum aut per horum curam unquam curatam fuisse podagram tam verum putat, quàm quod verissimum *Hæferus l. c.*

§. 14. Quoad prognosin; quanquam atrociores sint dolores, solatium tamen miseris ægrotantibus præbêt, quod absque mortis periculo degant, cum in partibus ignobilioribus & extremis hæreat



vitium, nisi infausta translatione ad uobiliores protrudatur partes-  
ubi graviora postmodum subsequuntur symptomata, ab acido omni-  
bus partibus summè inimico; hinc si à venis assumitur, & cordi ad-  
vehitur, lethales efficere potest palpitationes & lipothymias, in pul-  
monibus tussim, & anhelosum asthma: ad exteriora verò si perve-  
nerit humor, ut varices fiant, ad mentem *Avicennæ* podagra sol-  
vitur. Paulò durior sententiam dedit *Hippocrates prædict.* l. 2.  
sect. 2. Senibus, inquiens, qui in senectute tophos aut callos in ar-  
ticularis induratos habent, aut laboriosè vitam tolerant, cum alvo  
sicca, il sanè omnes, ut sentio, humanà arte sanari nequeunt. His  
certè succedentes intestinorum difficultates, optimè medentur, quin  
& quæcunque aliæ colliquationes internæ eos valdè juvant. Juve-  
nis v. cui nec dum circa articulos calli induruerunt, cuique victus  
ratio curæ est, ad laborem est impiger, alvumque habet vitæ insti-  
tuto probè cedentem, is sanè prudentem nactus Medicum sanus e-  
vadet. Terminum solutionis idem laudatus *Senex* dicitur 6. aph. 49.  
Qui podagrici morbi fiunt, sedatâ inflammatione, intra dies quadra-  
ginta conquiescunt: sed intelligendum pro ratione materiæ peccantis;  
major affluxus tantò diuturnius requirit tempus, minor citius solvitur.  
Novi insignem in *Silesia Chymicum*, qui unicâ assumpta pilula, sudo-  
rem largiter movente & alvum aliquoties laxante, dolores statim pro-  
fligit, permanente tamen per aliquot adhuc dies pedum lassitudine.

§. 15. Explicatis ita mali phœnomenis, ad curationem nunc ac-  
cingimur. Hæc secundum Indicationes certas ex præmissis eligen-  
das, quo tantò felicius progredi queamus, erit instituenda. Curato-  
riæ igitur, quæ morbum & symptomata respicit, satisfacimus, qua-  
tenus paroxysmo præsentis succurrimus, dolores leniendo, inflam-  
mationem ubi adest sedando, humores irruentes intercipiendo, deri-  
vando, extravasatos discutiendo. Præservatoriam observabimus  
salia volatilizando, lympham acidioram attemperando, & quatenus  
peccant quantitate & locò, simul eliminando. Character morbidus  
sive Idææ iterum sunt delendæ novis ideis, quemadmodum annota-  
vit *Helmont. tr. ortus imaginis morbosæ* §. 9. quod pavor subitaneus  
podagram sæpè necuerit. *Vitalis* vires considerat, quæ sunt resi-  
ciendæ, quo magis resistere hostili impetu queant; pes autem debili-  
tatus iterum corroborandus. De omnibus hisce in subsequentibus.

§. 16. Ab operationibus chirurgicis faciamus initium, ubi pri-  
mò locò occurrit *V. S.* quam plurimi suadent, quâ teste *Galeno de*  
sangu.



*sangu. miss.* multi à podagra liberati sunt. Nos etsi in sanguine principale affectus causam non quæramus, non penitus tamen & simpliciter damnandam hanc putamus, ut *Hæferus* fecisse videtur, si adest plethora, si recens malum, & in principio, si æger juvenis, & inflammatio conjungitur, ita enim materia effervescens imminuitur, furor sedatur, ad articulos ruens avocatur. Consuetudini etiam aliquid dandum est 2. *aph.* 29.30. Ubi menses stagnant, pedum venæ lauciari possunt. *Fonticuli* prosunt contra *Primerosium de vulg. error. Helmontium*, præsertim supra & infra genu, interceptionis causâ facti, ut lymphæ corrupta, rimâ monstratâ, parcius ad pedes eat. Vid. *Hildan. c. 4. obs. chir.* 75. Nec *Vesicatoria* improbantur nec *cucurbitulæ scarificatæ*, magis tamen præservationis quàm curationis causâ laudandæ, aliquot ante æquinoctia & solstitia diebus, in usum vocatæ. His ad plantam aut digitos pedum affixis *Danorum Rex Christianus IV.* à podagra per totam vitam se præservasse dicitur apud *Dn. D. Præsidentem thes. chir. de scarific.* §. 24. Usus tamen non nimis extollendus, præsertim sub præsentē dolore ob abscessum aut sphacelum metuendum, quem in tubicine quodam Cæsareo hinc natam observavit *Hæfer. l. c.* unde *Cratonis* de hac operatione judicium non omninò flocci faciendum *epist. med.* 152.

§. 17. Ex *Pharmaceutico* fonte, quæritur, an *purgantia* locum habeant? Sub primis affectûs præludiis, & præservationis gratiâ, non urgente jam paroxysmô, ad cacochymiam corrigendam & evocandam admittimus, leniora tamen & interpositis digestivis, ut vocant, & præparantibus sæpius reiteranda, (quibus subinde substitui clysteres possunt tutissimè) ne peccans hic lymphæ motu ex se facilis nimis irritetur, exasperetur, quod à fortioribus à *Solenandro* commendatis facile accidit. *Præparantium* nomine veniunt cremor. tartar. tartar. vitriolat. chalybeat. arcan. dupl. & alia ex tartaro producta varia, sal absynth. chamædr. tinct. mart. aperit. &c. *Purgantia* ubivis obvia; *Quercetanus* antitartareas suas pilulas, *Hartmannus* antipodagricas hinc dictas ex extr. asar. helleb. nigr. paratas laudant. Similes ex mercur. dulc. c. extract. panchymag. Croll. rhabarb. pil. extrui possunt, nec abluunt à scopo pilul. de hermodactyl. Syr. de spina cervin. magnus est *Cratoni*. Utiliter noduli confiunt ex H. chamædr. chamæpyt. cuscut. marrub. scolopendr. fl. lavend. primul. ver. persicor. rad. Ir. hermodactyl. polypod. helleb. n. inter se nuptis, nec non aliis salinis in sero lact. capr. (caprâ



præsertim chamædr. chamæpyt. similibusque per dies aliquot paffâ) infundendi. Electuar. caryocostin. *Bayero* laudatum, quod tamen calidioribus *Riverius* suspectum facit. Sed distinctione temperamenti & medicamentorum ubique opus est. *Vomitoria* subinde plurimum conducunt in assuetis, sub cruditate ventriculi, cacochymia, in primis viis, imò & ultra has latitante, quam expeditè remonent: medicamenta ubique occurrunt.

§. 18. Sequuntur *diaphoretica*, quæ in hoc affectu nunquam negligenda, quippe quæ sal fixum, dum structuram resolvunt, volatilifant, lympham rarefaciunt, & abundantiam tollunt, ideas delent, & si in Archeo vitium, unicum ferè, illius sunt mundificativum, renovativum, purgativum &c. juxta *D. Wirdigium tr. de spiritibus*. Sic enim depresso succurrimus, peregrinum expellimus, conformationem vitiosam destruimus, naturalemque partium constitutionem optimè reducimus. Variò autem modò operantur sudorifera, alia acidum p. n. humorum absorbendo, præcipitando, sal fixum volatilifando, rarefaciendo quædam, & optima spiritibus sese associando, & in glandulis secretionem adjuvando. Conveniunt itaque præcipitantia in hoc affectu, quatenus habent poros apertiores, inter quos acidam lympham recipiunt & absorbent: deinde quatenus lympham incrassant, & motum sistunt: denique quoniam omni suo acido privata avidius illud amplectuntur. Horum hinc inde colligere poteris prolixiorem catalogum. e. g. ebor. f. igne c. c. philosophicè pptum Succin. præp. antimon. diaphor. antihect. *Poter.* Tinct. antimonii sicc. tartarifata &c. & omnia martialia quæ singulari præ reliquis præcipitandi & aperiendi virtute gaudent. ut & Bezoard. Solare, Lunare &c. pro varietate temperamenti seligenda & in aqua vel rectius decocto chamædr. danda. Quoniam v. ultra primas vias, secundum nonnullorum judicium vix perveniunt, quod ex excrementis illorum, qui marte usi sunt, colligunt, sed acidum saltem ventriculi, pancreatis &c. edulcorare & corrigere videntur, ulterius ad propriè sic dicta *sudorifera* progrediendum est, quæ lympham attenuare, & rarefactam expellere per poros cutis possunt. In hoc negotium conveniunt volatilia oleosa, vel etiam urinosa alcalia & spirituosas. ut sal C. C. vol. fl. salis armon. Cinnab. antimon. quæ irradiativa sua virtute egregiè penetrat, aqu. prophyl. Spir. Theriacal. camphorat. Liqu. C. C. succinat. Spir. tartar. vol. Sp. sal. ammon. Essent. aperitiv. Ignor. Tinct. bezoard. vera &c. Fixum sal arthritic hac ratione per volatilia aliquò modò volatilifatum, commodè etiam per *diuretica* educi potest. 4. aph. 74. Sæpè enim natura ope medicamentorum adjuta, per consuetos locos excretorios à molestiori suâ sarcinâ se liberat. Non tamen



tamen promiscuè sunt propinanda; alia enim ut acida, e. gr. Spir. Salis succ. limon. acetos. &c. quæ etiam diuretica audiunt, vix convenire puto; tutius operantur alcalica & urinosa, quæ serum jam solutum & fluidum movent, & quasi detrudunt, talia sunt ocul. 69. Lap. percar. tartar. tartarifat. *Ludovic. fl.* Salis armoniac. Spir. tartar. Spir. urin. aperitiv. Penot. oleum Terebinth. trochisc. alkekeng. &c.

§. 19. Absolutâ maxima ex parte generali methodô, tandem & *specia-*  
*liora*, quæ virtute propriâ huic affectui resistunt, attingemus. Hæ fermenta vi-  
riosa in corpore latitantia, sive materiam morificam, subigunt, alterant &  
singulari modô exterminant, ut omnia in statum nat. à quo declinarunt redi-  
gantur, & perturbata corporis œconomia restauretur. Hanc facultatem in  
regno vegetabili obtinent Herb. betonic. chamædr. chamæpyt. Ivæ arthet.  
hermodactyl &c. earumque Essentiæ & decocta. Herbam ubivis obviam & ra-  
rò aliàs in usum internum revocatam Lappam majorem *Foresti* testimonium  
singulariter commendat, cujus decoctum cum cerevisia Arthritico pro despe-  
rato relicto, dolores mitigavit per urinam, quam instar lactis albam copiosè  
reddidit. Singulare Elix. arthrit. invenit *D. Michael.* cujus descriptionem dedit  
*Valent. Andr. Möllenbrocc. de Varis.* Electuar. podag *Closs.* describit *Schröder.*  
*in Pharmacop. L. 2. p. 182.* Pilul. antipod. *Schefferi* s. *Döring.* Spir. ex Regul.  
antimon. Sal antim. Spir. Salis armoniac. succinat. it. Spir. tartar. vol. sive ex  
fæcibus vini, abstracto prius ardentiore Spiritu, s. ex tartaro purissimo præmissâ  
fermentatione paratus, cujus virtutes *Helmontius* valdè deprædicat, dicens,  
quod, quo hîc non pertingat, alius non perveniat, medicamenta mercurialia &  
martialia pleraque, essent. lignor. lign. sassafr. tinct. Sal. tart. essent. viperar.  
cum Sale vol. & fixat. secundum *Möllenbrocc.* parata, quæ ut plurimum naturæ  
vias per diaphoresin vel diuresin &c. sequitur. *Cnæselii* pulv. ex acido tart. tart.  
triolat. santal. rub. & similibus paratus sero salinam materiam per secessum,  
urinam, & sudorem depellit. *Ejusdem* specificum antipodagric. creditur à non-  
nullis esse mercur. antimon. Laudatur etiam mercur. philosoph. ad pauca gra-  
na, cujus processum tradit *Philaletha in tr. de Introitu aperto ad occlusum Re-*  
*gis palatium*, in cujus defectu in forma pilul. mercur. c. Sole præcipitatus, c.  
extr. Lignor. cathol. propinari potest.

§. 20. Vix v. internis solis totam curationem Medicus absolvat, nisi &  
*externis* auxiliatricem naturæ manum præbeat, illa v. cum partim sint repe-  
lencia, discutientia, extrahentia, & denique anodyna, attendendum benè est,  
ut opportunò adhibeantur tempore, ne inteinpestivâ exhibitione agroti inte-  
ritum promoveamus. Nullus dubito, quin sub initium multum profint *bal-*  
*nea* materiam affluentem discutientia, ex herb. appropri. & discutientibus, cum  
scob. lignor. juniper. Sassafr. Quajac. &c. item ex vinaceis *Craton.* cui adstipu-  
latur *Solenander.* Post Balnea parti debilitatæ Spiritu quodam confortante suc-  
curramus, vel balsam. antipodagr. *Rulandi, Schröderi, Michaelis* &c. aliàs cura-  
tionem, ut in lue præc. institutam, à Medico in Saxonia novi feliciter peractam.

§. 21. Tandem doloris atrocitatem *Anodynis* mitigabimus, initium ta-  
men semper à mitioribus faciendum est. Excellit liqu. rad. vitis nigr. dum ad-  
huc virescat & in vase vitreo aliquandiu digestæ, liquor thapsi barbat. per in-  
humationem, & alia quæ apud *Hoffmann. in M. M. L. 1 c. 19.* invenies. Con-  
veniunt etiam cataplasmata ex mucilaginoso & moderatè calidis in lacte coct.  
& cum vesica bubula tepidè applicat Empl. arthritic. Diaphoret. *Myns* de ci-  
cuta, de Galban. arthrit. *Schröder.* ungu. anodyn. *eiusd.* Balsam. antipod. sive  
oleum



oleum sang. human. cui admirandas in Podagra adscribit virtutes, laudatus *Schröderus*, malaxari possunt cum hoc oleo vel oleo lumbr. camphor., nervin. Si appareat inflammatio prodest *Sachar. Saturn.* c. aq. rosar. plantag. oleo rosae, & vitello ovor. invicem agitata, acquirunt consistentiam cerati. Quod si horum impositione non succedat speratus eventus, paulò fortiora erunt substituenda, imprimis spirituosae, quæ penetrandi & discutiendi vim obtinent, ut aqua antipodagr. *Quercet.* Spir. formic. lumbric. terrestr. juniper. articular. aqu. balsamic. antipodagric. *D. Mich.* Spir. antipodr. *Cnèfel.* Spir. vitriol. vol. verus, in quo egregium residet solatium. Inter externa medicamenta refertur etiam famosissima illa Moxa, de qua ante aliquot annos ingens excitatus fuit rumor, quod specifica quadam virtute, humores & dolores extraheret. de electione & applicandi modo vid. *Hermann. Buschuff Pastor. Bataviens. India Or. in suo de Podagra libello*, ubi sesquipedalia verba invenies.

§. 21. Antequam ad *Narcotica* confugimus, omnia benè erunt pensanda, cum ex impositione empl. Narcotici ex fol. hyosciami. rad. mandrag. c. aceto & opio constructi super genu, mortificatio & ipsa mors subsecuta fuerit, ut refert *Zacut. Lusitan. l. 2. obs. 169.* circa noctem interna prius adhibenda sunt, quibus tandem maximè urgentibus symptomatibus externa conjungenda. e. g. aqua hypnotic. *Dorncreil.* syr. papav. rhæad. essent. anodyn. tinct. laudan. opiat. nitr. anod. sulph. vitriol. anodyn. *Cnèfel.* arcan. narcotic. anodyn. &c.

§. 22. Tartareum illud sal quatenus nullis medicamentis cedit, sed tophos podagricos jam effecit, non nisi summo labore iterum dissolvitur & extrahitur; tentandum tamen aliquid. Habet *Galenus* & ex illo *Crato* foetidum quoddam remedium ex caseo veter. pulv. lapid. molar. & decocto crurum suill. utrum v. delicatioribus & emunctioris naris hominibus offerendum, hæreo. Magis commendarem vitellos ovi coctos, cum croco mistos, vel oleum saponi aut balsam. alium. In *Ioel. prax. l. X. sect. 2. p. 534.* invenies epithema pro tophis it. in *Baldassar. Tim. von Guldenslee. l. 5. epist. 2.* emplastrum ad tophos resolvendos, vel impone frustul. lapid. corrosiv. nodis, & super impone empl. attractiv. tunc materię illius tartareę facilis erit extractio, vel oleum terebinth. spic. petrol. vitriol. c. cantharid. pulverisat. misce & impone, superimponend. Cerot. §. 20. traditum. Prodest etiam in hisce nodositatibus mercur. malleabilis beneficiò Saturni vel Sal. armoniaci fixatus & superimpositus.

§. 23. Quod *Diatam* attinet, non opus est prolixiori catalogo; plurima enim circa causas jam fuere monita. Aer sit temperatus, non frigidus, qui salubris scatet, secundum *Sylvium*, non siccus ex *3. aph. 16.* articularium dolorum causa. Cibi sint boni succi & facilis concoctionis; Potus non sit liberalior sed moderatus, aliàs corpus magis humectatur, nocentes humores cumulantur, & varia incommoda accelerantur. Sit cerevisia benè defæcata, ex bono frumento, & à particulis heterogeneis liberata. Vini, cujus maxima varietas, usum præsertim in assuetis, non planè interdico; eligatur autem *ἐλαιοφόρον*, Nectarinum, crudiori tartaro non abundans, sed cujus particulæ tartareę subtilissimæ, deambulatione vel aliis motibus facilè sunt dissipabiles. A solo lactis potu levamen nonnullos, sensisse notum est. vid. *Greiffel. de lact. us. in arthr. Acidula*, suâ etiam laude dignæ sunt. Motus in assuetis non intermittatur, ut tanto faciliore negotio exterminentur fuligines, atq; humores. Somnus diuturnior non convenit. Excrementa assumptis respondeant quantitate, & justo tempore excernantur. De animi pathematibus dictum est superius.

Deo ter opt. max. sit laus, honor & gloria.